



Вашкылна пенгыдемеш

14 октябрьште Киров областысе Малмыж олаште регион кокласе этнографий слёт эртыш. Тушко Марий Эл, Татарстан республикла да Киров областысе түрлө школ гыч йоча-влак погыненыт. Ме, Арбор школын тунемшыже-влак, шкенан кундемысе Пабайнур ял нерген каласкалышна, мурышна, куштышна. Национальный кочкышна: мелна, кугече когыльо, торык когыльо, катлама да пура – дене сийлышна. Почеламутым сылнын лудмо конкурсышто мый икымше верым налым да пеш куанышым. Тыгай слёт шуко ум пуа. Тылеч вара ме түрлө кундемын легендыжым, илыш-йўлажым пален илаш тўналына.

Лиана СЕМЁНОВА.
Марий Турек район.

Анапа келшен
Надя акам дене коктын тулык йоча семын Анапыш канаш миенна. Тушто кум арня лийынна. Эрдене тунемынна, вара түрлө онай мероприятий лиеден. Шуко у йолташым муынам. Анапа ола пеш келшен, чўчкыдын экскурсийыш коштынна.
Даша МАЛЫШЕВА.
Волжский,
Кугу Корамас.



Покро пазар

Ий еда 14 октябрьште школыштына Покро пазар эрта. Йоча-влак пайремлан ончылгоч ямдылалтыныт. Ача-ава-влак полшымо дене түрлө сатум ужалаш луктыныт. Пайремым модыш, муро, куштымаш-влак сорастаненыт.

Катя ТАРАКАНОВА,
5-ше класс.
Советский, Ронго.

Сай туныктышолыйыт

Лицейыштына Дублёр кече эртыш. Туныктышо-влакым 11-ше классыште тунемше-шамыч алмаштышт. Визымше классыштына математике урокым Алена Игоревна, а географийым Кристина Юрьевна (снимкыште) вўдышт. Нуно хот ямдылалтыныт, мыланна пеш келшышт. Ончыкыжым ўдыр-влак сай туныктышо лийынкертыт, манын шонем.

Юля АНИСИМОВА.
Морко, Коркатово.

Дублёрны кечыштыже туныктышо-влак шке пашаштым тунемше-влаклан кучыктеныт. Урокла деч вара самырык «туныктышо»-влак иктешлымышым ыштеныт: йочам туныкташ чынак пеш неле.

Кристина ЭРГУБАЙКИНА.
Волжский, Кугу Порат.



Пөлек келшен

Туныктышо-шамычлан пайремышт вашеш изирак пөлекым – пырдыжгазетым – ямдыленна. Тудым Олеся Алексеева, Дима Гаврилов, Катя Ямбашева сорастаненыт (снимкыште). Моло

тунемше тыланымашым серен. Туныктышо-влаклан пөлекна келшен.
5-ше классыште тунемше-влак.
Волжский, Пөтъял.

Онай такасимаи

Футбол дене районысо танасымашке рвезе-влак веле огыл, ўдыр-шамычат ушненыт. Рвезе-влак коклаште Унчо школын командыже эн виан лийын: ик мечымат шке капкашкышт пуртыктен огытыл. Ты школгычак ўдыр-влак писе улмыштым ончыктеныт: икымше верыш лектыныт.

Анастасия ПАЙГАСHEBA.
Морко, Унчо.

Калык пале
Октябрьште кече кўчык, кылден шогалташ огеш лий. Октябрь йўштө шинчавўд дене “шортеш”.